

K29
15
:375(2)

中國方志叢書·華中地方·第三七五號

據

民國·嚴希慎等修，陳天錫等纂
民國十二年鉛印本

影印

四川省

江安縣志

(二)

成文出版社有限公司印行

中華民國六十五年 月臺一版

江安縣志

全二冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

江安縣志卷四

江安縣知事西充嚴希慎訂

前陝西知縣邑人陳天錫纂

列女第二十三甲貞孝節孝 乙壽母 丙孝女孝婦

宋高公老妻宋宗室女政和五年晏州夷卜漏反陷梅嶺堡知砦將公老遁其

妻被虜不辱死之詔贈節義族姬

見宋史

明馮貞女敏季女幼聰慧通列女傳未字而敏卒葬之日貞女斷小指置敏壙內誓不受聘後母弟欲許字人令婢諭意貞女操刃擊婢事遂寢縣令余緯上其事奉文旌表

杜氏堅女庠生陳尙文妻婚踰年尙文卒無子誓死守節歷七十餘載事聞旌

表

文正針愛萬女有姿容年十七爲流賊所執義不受污投江死嘉靖己丑知縣姜梁錄其事

胡氏不詳其夫家姓氏坊在縣東街嘉靖壬子建

清覃氏士奇女儒童聶琰妻年二十七琰死氏守志凡二十七載翁姑資其奉養乾隆元年知事徐鳴達詳請建坊在縣東街今圯

潘氏庠生范孔陽妻孔陽卒潘矢志守節教孤子璧成立康熙丁酉選拔歷六十二載年九十一乾隆三年知縣徐鳴達詳請建坊在縣西街今圯

林氏李迎春妻迎春卒林氏矢志勵節屏鉛華却紉綺言笑不苟撫孤成立孀居四十餘載乾隆四年知縣徐鳴達詳請建坊在二龍關今圯

吳氏陳仕佐妻仕佐死吳年二十五姑衰憊竭力奉養遺子二人教之成立苦節三十年乾隆九年知事關士勳詳請建坊在半邊箐

楊氏卓朝卿繼室朝卿歿後舅姑垂白楊竭力奉養喪葬如禮子如松甫九歲教之成立列膠庠乾隆九年知縣關士勳詳請建坊在泥漕溪

王氏納谿進士匡國女舉人雷偉妻年二十三偉卒於京邸遺一女王善事祖姑舅姑撫繼子仕寅成立補縣庠苦節三十一載乾隆十八年知縣員懷聘詳請建坊

胥氏正芳女儒童吳作哲妻作哲死胥年二十四奉養舅姑教育子女茹茶飲藥四十餘年乾隆十八年知縣員懷聘詳請建坊

李氏翥鶴女儒童祝鳳妻生子如松鳳死李年二十三矢志勵節時有慕色求

配者氏大罵拒之以織紵奉舅姑撫子及夫弟之孤子女歷六十七載年九十
乾隆十八年知縣員懷聘詳請建坊在桂香街

杜氏彭天聰妻美姿容獨處蓬門鄰人文禮突入戲之並脅以刃氏堅拒不從
被刃死知縣王承廣抵文禮罪氏奉旌表入祠事在乾隆三十九年坊建大水
塘

周氏吳應泰妻應泰歿周年二十三矢志守節撫遺腹子廷鬯成立食餼苦節
四十載乾隆四十六年知縣張濟詳請建坊在道祝山

賈氏周曾惠妻曾惠歿氏年二十二遺子一弱冠亦夭復撫遺孫中清成立嚴
慈備至教育有方苦節五十載乾隆五十五年知縣陳錚詳請建坊在三嚴子
周村

李氏鄧中榜妻中榜歿氏年二十六撫遺子雲龍成立援例入成均苦節五十
三載嘉慶十一年知縣馬維嶽詳請建坊在大井壩

羅氏監生盧文俊妻文俊歿氏年二十三守節奉姑撫子成立苦節四十五載
嘉慶十三年知縣馬維嶽詳請建坊在水清鋪

苟二姑苟吳氏女鄭元萃妻結褵三載元萃父谷賢因家貧欲苟改嫁吳仲雨
氏奔回母家谷賢與仲雨率人往劫二姑自縊死官聞抵谷賢仲雨罪氏奉旌
表入祠事在嘉慶十四年

蕭氏監生劉世偉妻州同劉景五母世偉卒氏年二十九撫孤完節苦節四十
三載時年七十二嘉慶十六年知縣趙模詳請旌表

林氏蓉女年十八適楚商樊啟仕結褵未幾啟仕遘弱疾林持齋調護衣不解

帶者凡四年啟仕卒氏經營安厝自傷無子閉門投繯父母爲之合葬焉後啟仕弟啟俊啟傑亦相繼死啟俊妻張氏啟傑妻宋氏皆撫藐孤誓死守志里人悲其遇而高其節云

謝氏庠生蹇京妻年二十八夫亡奉姑守志撫女贅壻苦節四十二載歿年七十

高貞女幼許唐兆仁爲童養媳年十四兆仁歿女矢志守貞孝養翁姑兆仁弟生子永朝女撫之爲嗣歿年六十三知縣趙模額曰風邁柏舟

楊氏庠生蹇和妻年二十二而寡奉姑守志苦節二十九載歿年五十一

范氏廩生蹇舒妻年二十九夫亡子肇榮甫四齡撫之成立列成均肇榮生子芳甫二歲夫婦並歿氏又撫孫成立苦節五十二載歿年八十一

易氏唐上學妻年二十一仕學卒守志撫子紹美成立苦節五十六載歿年七十七

羅氏唐應斌妻年二十四夫亡撫子正信成立苦節四十八載歿年七十二

陳氏黃俊朝妻年二十三矢志撫孤苦節三十四載歿年五十七

陳氏鄒伯傳妻年二十四守節歷四十八載歿年七十二

黃氏李浩妻年二十八守節子德望成立時年九十二五世同堂

覃氏楊天佑妻年二十守節時年七十八

楊氏姚仁業妻年二十守節奉姑時年七十八

王氏熊琮繼室年二十一夫亡守節撫琮前妻子夢孚及己子中孚成立夢孚

以丙午鄉薦任綿竹訓導孫復第捷第俱食餼時年七十四

項氏裴世經妻年二十九守節奉姑時年七十二

韋氏羅維宦妻年二十三寡守節奉姑撫子聲元成立時年六十三

劉氏羅維鐸妻年二十三守節奉姑遺子臯儒弱冠卒又撫遺孫時年五十八

劉氏王聯芳妻聯芳卒與妾李氏共失節操奉事翁姑時李氏尙青年劉生子

紹虞列國學李生子紹熙亦成立劉守二十二載先歿李氏勤儉持家始終不

渝時年五十二

楊氏張京任妻年二十八守節奉姑撫子大儒成立歿年七十二

宋氏曹宗鐸妻年二十三守志撫孤子時欽成立時年六十四

曹氏蔡世榮妻年二十四夫亡守節時年七十二

先氏蔡世璉妻年二十九守節撫子明昭弱冠復亡撫遺孫永祺時年八十三

楊氏陳日新妻年二十一守節孝養翁姑撫子翰階成立時年六十

蒲氏曹鈞妻年二十九而寡撫子國仕成立時年六十三

歐氏陳宗義妻年二十一守節撫姪進德爲嗣時年五十三

蔣氏陳開柱妻年二十守節撫姪殿榜爲嗣復歿撫遺孫時年五十一

毆氏楊玉本妻年二十守節撫孤時年五十

顧氏楊玉管妻年三十夫亡無子顧矢志守節撫螟蛉子添壽成立添壽卒復撫遺孫艱苦備嘗時年八十一

李氏楊萃妻年三十夫亡嗣胞姪維繩苦志守節現年七十一

楊氏監生蕭鳴華妻年二十九守節時年六十七

劉氏袁洪智妻年三十夫亡無子矢志守節撫姪爲嗣時年六十四

孫氏宋德秀妻年二十二守節撫孤時年六十三

王氏鄒盛貴妻年三十守節時年六十二

羅氏劉守信妻年二十七守節撫孤子乾翼等三人成立時年六十二

趙氏黃基葵妻年十九守節時年六十一

陳氏王登闕妻年二十四夫亡無子矢志守節撫胞姪元承嗣列國學時年六十一訓導胡元善額曰比美柏舟

鄒氏劉世朋妻年二十夫亡無子矢志守節撫姪應杰爲嗣列國學時年六十萬氏李珍材妻年二十四夫亡守節卒年六十

宋氏曹書龍妻年三十守節撫孤時洪尋卒復撫遺孫時年五十八

蔡氏監生李志士妻年二十八守節撫子仙枝成立補廩庠時年五十八

高氏周廷相妻年二十四守節撫姑汝常成立補邑庠時年五十八

王氏黃甲妻年二十四守節撫子維翠成立時年五十四

袁氏庠生石文彩妻年二十四夫亡奉翁姑撫幼子苦志守節時年七十

朱氏邑貢生朱文女適瀘州庠生李卓甫四月卓卒朱孝奉翁姑事葬盡禮晚依其兄廩生朱有光兼以訓蒙療病自給歿年五十餘邑人鄭存仁爲表其墓陳氏邑貢生楊維億妻工部都水司楊庚母年二十三夫亡奉姑撫子孝慈備至時年五十三已受封誥至嘉慶乙亥年請建坊在東門外

景氏羅維寬妻年三十夫亡奉姑守節撫子聲震聲鉉成立時年五十五

趙氏宋朝元妻年二十六夫亡奉姑守節撫孤子廷成立歿年五十四

胡氏增生李際陽繼室年二十五夫亡守節撫遺孤焜並撫前氏孫細皆得成

立時年五十二

廖氏曾明新妻年二十一夫亡奉姑守節撫孤維均成立時年四十九

一 鄭氏儒童邱世魯妻年二十四守節撫子如松如柏成立五世同堂卒年九十

曾氏劉啟睿妻年二十七夫亡遺孤紹康甫數月氏撫之成立列國學苦節四十七載卒年七十四

張氏李世榮妻年十九守節家貧孝養翁姑撫子植成立中年復卒又撫遺孫基溥基洵艱苦備嘗時年六十五

熊氏余子俊妻年二十七守節孝事翁姑克勤紡績子孫俱列國學年七十五
程氏盧瑄妻年二十二守節孝奉翁姑撫遺孤相周成立孫玉棟玉柱列國學

苦節三十八載歿年六十

張氏儒童宋恩周妻年二十八守節奉姑撫遺子邦興入邑庠時年五十四

張氏劉翰章妻年二十一而寡矢志撫遺子億成立治家嚴肅里閭稱之道光六年旌表建坊億承氏意於七年捐建義學議敘八品銜八年重建節孝祠知縣高學濂詳請獎勵現年六十一

劉氏儒童鄭國容妻年二十五守節撫子培政成立列國學歿年六十一

馮氏范世林妻年二十三而寡上奉翁姑下撫二子內外雍睦人無閒言道光八年知縣高學濂給匾獎之現年六十六

陶氏楊明遵妻年二十三夫故無子撫姪芬爲嗣善事翁姑慈育諸姪鄉黨欽之道光八年知縣高學濂額曰節孝可風九年氏捐銀八十兩入節孝祠作祭

需現年八十六

陳氏張光倫妻年二十四夫亡子宗哲甫四齡氏矢志守節事姑孝姑歿喪葬如禮持家勤儉撫宗哲列成均現年七十

周氏李振龍妻年二十七守志撫孤苦節四十餘載現年六十五

羅氏曹天成妻年二十九而寡子甫周歲氏苦節撫孤現年五十九

易氏黃興茂妻年二十一守節撫遺腹子成立現年五十

羅氏范培瑄妻年十九守節撫子永修成立入成均現年四十三

孫氏范培璋妻年二十四夫亡無子撫姪潛修爲嗣現年五十六

伍氏姜茂寅妻年二十六守節子南山尋歿現年六十一

黃貞女幼字張崇沛納吉後崇沛忽歿時貞女年十七矢不再字過門守節奉

事翁姑竟不嗣子以卒年四十五

金氏劉應鵬妻年二十七守節撫子成立現年五十二

熊氏卓爾相妻年二十五爾相卒守節撫子楷成立卒年五十六

寇氏賈辛妻年二十二卒歿矢志完貞撫子策傳成立現年四十四

劉氏吳應曲妻年二十七夫卒無子族中無昭穆相當者撫同姓子國銘爲嗣

現年五十六

王氏曾朝洪妻年二十六朝洪卒撫二子廷謨廷賢成立其姑歿遺一女未週

歲氏乳撫成人及時遣嫁苦節三十八載現年六十四

鄧氏宋朝棟側室年十八朝棟卒守節撫嫡子尙誠成立娶阮氏生二子本和

本貴尙誠亡阮年二十二隨氏苦守鄧氏現年五十七阮氏現年四十四